

■ GLOSSA

Crashcurs e già scolast!

DA SILVIO CAMENISCH

Inun è pli in misteri, ma bain pitra realitad: Plunas scolas dal pajais si e giu dastgassan cumenzar a partir da mez avust l'onn da scola senza scolast u scolasta.

Insatge ch'i n'ha mai dà, conferman unisono vegls istorichers e scolasts vegls en noss asils da vegls. Ils blers da lur generaziun precnologica returnassan dal reminent pli gugent tar il sa cumprovà «asil» che tar il modern «dachasa». Davos l'asil resp. il dachasa cumenza gist la senda didacta da lieurs novconcepida tras in vegl asil da lieurs.

Uss ans avain fatg in link, ma returnain subit tar noss tema dal di: In crashcurs da trais suentermezdis tanscha e già scolast! «Trais babnoss per in scolast», pudess sa numnar quest western da spaghetts da Sergio Leone. Qua smirveglia il laic, il na-expert, co ch'i sa ir dabot en cas da basegn. En cas da basegn èn tant l'uman sco l'animal abels da far libras resursas incrediblas. Demussan quels novs crashcurs e già scolast u scolasta! Not macht erfindersch. Quai nun è betg insatge nov.

Insatge tuttafatg nov è ch' dat novs scolasts en temp da record, ch'ins pu-



dess discurrer d'in miracul. Nus na lain betg concurrer cun il «miracul blau» ch'è puspe tut insatge auter. Era cun immens resun en las medias/mediennwirksam, fitg impurtant gist il temp da Sauregurkenzeit, u schain pli gugent correct stagiun morta, uschiglio ans siglian en il chau convertitas e convertits tar la chara lingua da la mamma pli sensibil, u schain sensibilads ch'il rest. Dasper, sajan sincer, vegnan or ussa tuttas ovrarumantschas relevantas en eglis dals experts promoters en furma almain bilingua. Monolinguitad è out sco gia monogamia.

Ti pos daventar scolasta u scolast en in curs a la svelta. Sco d'emprander da siglir giu cun parasgular u paracrudader. Il mister svizra actual i ha fatg avant recentamain e ditg en la camera: Geil! Betg stà la davosa giada! Ins po se-

glir giu sulet, u pli geil sco coppia, ed en ils blers cas sa tschent'ins lom sin tgil. Paucs cas finischan tragic, ins na fa uss betg statistica cuntut, penda vid il zain grond. Tge nova generaziun da scolastas e scolasts che vegnor or uschia na san ils experts anc betg dir definitiv. Ins discutescha era da far contests da neoscolastas e scolasts. RTR emetta garanti era las preselectziuns ed ach! Selezziuns. Vossa vusch per telefon er pliras giadas è dumandada. Bels premis fan chau chau/schöne Preise winken!

La nova generaziun da Lscolars, sensibilada gia en il venter da la mamma dad esser il pli baud pussivel grond en las medias giavischa tut, danor scolasts da noss temp cun nosa furmazion conservativa. Gugent in lässig stuntman che vegn tranteren, dat in mez di lecziuns da ses job da siemi e va puspe. U in model che mussa (in tar in) sco quai va tiers tar *Heidi Klum* e sia giuria. Larmas betg sclausas, i sto esser ma sa paja sut il stritg. Ils pli vegls semesters unfis la crappa sbragian: Hilfe, ich bin ein Lehrer! Holt mich hier raus! Fer tant che cun ils crashcurs da l'ultima ura chatschan scolastas, perfin scolasts, sco bulieus ord la terra. u'è lura il problem?